



МЕСЯЦА СЕНТЯБРЯ В 8-й ДЕНЬ

Рождество Пресвятыя Владычицы нашея
Богородицы и Приснодевы Марии

НА МАЛЕЙ ВЕЧЕРНИ

На Господи, воззвах: стихиры на 4. Глас 1.

Подобен: Небесных чинов:

Моаким и Анна торжествуют, / Начаток рожде
нашего спасения, / едину Богородицу, / с ни
миже и мы празднуем днесь, / от корене онаго
Иессеева // блажаще Деву Чистую.

От Анны днесь цвет, / сад Богоданный, / Богородица
прозябе, спасение человеков, / из Неяже всех Зиждитель
рождься паче ума, / Адамову очищает, яко Благ, // всю
скверну благодостию.

Кто довольно по достоинству пети возможет / от Анны
неизреченно младенствующую Деву? / Горы убо и холми,
сладость искапайте днесь: / всех бо жизнь и очищение /
млеком питается, // Богородица Чистая.

Яже прежде неплодная страна / землю плодотворну
раждает / и, от неплодных утробы плод свят давши,
млеком питает. / Чудо страшно! Питательница Жизни
нашея, / Яже Небесный Хлеб во чреве приеми, //
млеком от сосцү питается.

Слава, и ныне, глас 4:

Всечестное Твое рождество, / Пресвятая Дево Чистая, /
Ангелов множество на Небеси / и человеческий род на
земли, ублажаем, / яко Мати была еси Творца всех,
Христа Бога. / Того молящи о нас не претай, молимся, /
иже на Тя по Бозе упование положших, // Богородице
Всепетая и Неискусобрачная.

На стихóвне стихи́ры, глас 2.

Подóбен: Дóме Евфра́фов:

**Ра́дуйся, Иоакíме, и Анно:/ ра́дуйтеся, я́ко ра́дости/
и спасéния Ходáтаица,/ от непло́дове Дéва,// нам
раждáется.**

Стих: Слѣши, Дщи, и виждь,// и приклонí у́хо Твое.

**Ты едíна земнѣх/ показáлася еси́ спасéние,/ я́ко
рóждши Сло́во,/ пáче слóва и естества:// тем Тя убла-
жа́ем.**

Стих: Лицú Твоемú помóлятся// богáтии лю́дстии.

**Отложí, Ада́ме и Ёво,/ вся́ку печáль:/ Мáти бо
Ра́дости/ от непло́дове// преслáвно прозябáет днесь.**

Слáва, и ны́не, подóбен то́йже:

**Храм Бóжий,/ едíна Богорóдица,/ от непло́дове/
и нераждáющия происхóдит,// и ра́дуется Ада́м,
взывáя.**

Тропа́рь пи́сан на вели́цей вечéрни.

НА ВЕЛИ́ЦЕЙ ВЕЧÉРНИ

Стихослóвим Блажéн муж: 1-й антифóн.

**На Гóсподи, воззва́х: стихи́ры на 8, глас 6, само-
гласны. Сэ́ргия Патриáрха:**

**Днесь Ёже на разúмных Престо́лех почивáяй Бог/
Престо́л свят на землí Себе́ предугото́ва:/ утвердívый
мúдростию Небеса́/ Не́бо одушевлéнное человеколю́-
бием соде́ла,/ от непло́днаго бо ко́рене/ сад живонóсен
израсти́ нам, Мáтерь Свою́,/ Ёже чудес Бог/ и ненаде́-
ющихся наде́жда,// Гóсподи, сла́ва Тебе́.**

**Сей день Госпóдень,/ ра́дуйтеся, лю́дие:/ се бо Свéта
черто́г/ и кнíга Сло́ва Живóтнаго/ из утробы про-
изы́де,/ и Ёже к восто́ком дверь, рóждшися,/ ожида́ет
входа́ Святíтеля вели́каго,/ едíна и Едíнаго вводя́щи
Христа́ во вселéнную,// во спасéние душ на́ших.**

**Аще и Божéственным хотéнием/ свéтлыя непло́дны
жены́ прозябо́ша,/ но всех Марíя рожде́нных боголе́пно
превозсия́:/ я́ко, от непло́дныя преслáвно рóждшися
мáтере,/ породí плóтию всех Бóга,/ пáче естества́ от
безсе́менныя утробы;/ едíна дверь Единорóднаго Сýна
Бóжия,/ Ю́же прошéд, заключéнну сохрани́/ и, вся
мúдре устро́ив, я́ко весть Сам,// всем челове́ком спасé-
ние соде́ла.**

Два́жды.

Стефана Святоградца:

Днесь непло́дная врата́ отверза́ются/ и дверь девическая Божественная предгрядёт,/ днесь плод ражда́ти благода́ть* начина́ет,/ явля́ющи ми́ру Бо́жию Ма́терь,/ Ё́юже земна́я с Небе́сными совокупля́ются,// во спасе́ние душ на́ших. *Два́жды.*

Днесь всеми́рныя ра́дости провозвеще́ние,/ днесь возвѣяша ве́три,/ спасе́ния провозвѣстницы,/ естества́ на́шего разреша́ется непло́дство:/ непло́ды бо ма́ти показу́ется/ де́вствующия и по рождестве́ Зижди́телеве,/ из Нея́же чу́ждее присво́ет И́же естество́м Бог/ и заблуждшим Пло́тию спасе́ние содева́ет,/ Христо́с Человеколю́бец// и Иза́витель душ на́ших.

Днесь непло́дная А́нна ражда́ет Богоотрокови́цу,/ от всех родо́в произбра́нную/ в жили́ще всех Царя́ и Зижди́теля, Христа́ Бо́га,/ во исполне́ние Божественнаго смотре́ния,/ и́мже назда́хомся, земнородни́и,// и обновихо́мся от тли к жи́зни неконече́ней.

Сла́ва, и ны́не: пе́рвую стихи́ру: Днесь И́же на разу́мных Престо́лах:

Вход. Прокімен дне.

Быти́я чтѣние (глава́ 28):

Изы́де Иа́ков от студенца́ клятвеннаго и и́де в Харра́нь./ И обре́те ме́сто, и спа та́мо: за́йде бо со́лнце,/ и взят от ка́менія ме́ста тогó, и положи́ возгла́вие себе́, и спа на ме́сте о́ном./ И сон ви́де./ И се ле́ствица, утвержде́на на землі, ея́же глава́ досяза́ше до небес,/ и А́нгели Бо́жии восхожда́ху и низхожда́ху по ней./ Господь же утвержда́шеся на ней и рече́:/ Аз Бог Авраа́мов, отца́ твоегó, и Бог Исаа́ков, не бо́йся:/ земля́, иде́же ты спи́ши на ней, тебе́ дам ю́ и се́мени твоему́./ И бу́дет се́мя твоё, я́ко песок земный, и распро́странится на мо́ре, и ли́ву, и се́вер, и на восто́ки;/ и возблагословя́тся о тебе́ вся ко́лена земна́я и о се́мени твоём./ И се Аз с тобо́ю, сохраня́яй тя на вся́ком пу́ти, а́може а́ще по́йдеши./ И возвра́щу́ тя в зе́млю си́ю, я́ко не и́мам тебе́ оста́вити, до́ндеже сотвори́ти Ми вся, ели́ка глаго́лах тебе́./ И воста́ Иа́ков от сна своегó, и рече́:/ я́ко е́сть Господь на ме́сте сем, аз же не ве́дех./ И убо́йся, и рече́:

* Благодать — церковнославянский перевод древнееврейского имени Анна.

яко страшно место сие;/ несть сие, но дом Божий, и сия врата Небесная.

Пророчества Иезекиилева чтение (главы 43 и 44):

Тако глаголет Господь:/ будет от дне осмаго и прочее, сотворят иереи на олтари всесожжения вашего/ и яже спасения вашего,/ и приму вы, глаголет Адонай Господь./ И обрати мя на путь врат святых внешних,/ зрящих на востоки, и сия бяху затворена./ И рече Господь ко мне:/ врата сия затворена будут и не отверзутся,/ и никтоже пройдет сквозе их;/ яко Господь Бог Израилев пройдет ими, и будут затворена./ Яко Игумен съдет в них снести хлеб,/ по пути Еламских врат внидет и по пути его изыдет./ И введе мя по пути врат святых, сущих к северу, прямо храму,/ и видех, и се исполнь славы храм Господень.

Притчей чтение (глава 9):

Премудрость созда Себе дом и утверди столпов седмь./ Закла Своя жертвенная, и растворит в чаши Своей вино,/ и уготова Свою трапезу./ Посла Своя рабы, созывающе с высоким проповеданием на чашу, глаголющи:/ Иже есть безумен, да уклонится ко Мне./ И требующим ума рече:/ Приидите, ядите Мой хлеб и пейте вино, еже растворих вам./ Оставьте безумие и живи будете,/ и взыщите разума, да поживете,/ и исправите разум в ведении./ Наказуй злыя примет себе безчестие,/ обличаяй же нечестиваго опорочит себе:/ обличения бо нечестивому раны ему./ Не обличай злых, да не возненавидят тебе./ Обличай премудра, и возлюбит тя./ Дажь премудрому вино, и премудрший будет./ Скажуй праведному, и приложит приимати./ Начало премудрости страх Господень и совет святых разум:/ разумети бо закон помысла есть благаго./ Сим бо образом многое поживеши время,/ и приложатся тебе лета живота.

На литии стихирь, глас 1, самогласны.

Стефана Святоградца:

Начало нашего спасения, людие, днесь бысть:/ се бо пронареченная от родов древних/ Мати и Дева и приятелище Божие/ от неплодове родиться происходит,/ цвет от Иессея и от корене его жезл прозябе./ Да радуется Адам праотец,/ и Ева да веселится радостию,/ се

бо созданная от ребра Адамова дочь и Внуку блажит
явственне:/ родися бо мне, рече, избавление,/ егоже
ради от уз адовых свободюся./ Да радуется Давид,
бия в гусли,/ и да благословит Бога,/ се бо Дева проис-
ходит от утробы неплодных, // ко спасению душ наших.

Глас 2:

**Приидите, любодевственнии вси/ и чистоты рачи-
телие,/ приидите, подымите любовьию девства похвалу,/**
от камене твердаго текущий источник жизни/ и от
безчадствующих купину невещественнаго Огня, //
очищающаго и просвещающаго души наша.

Анатолія Патриарха: Что шум празднующих бы-
вает?/ Иоаким и Анна торжествуют тайно:/ радуйтесь
с нами, глаголюще, Адаме и Ево, днесь,/ яко имже
древле преступлением затвориша рай,/ плод благосла-
вен нам дадеся,/ Богоотроковица Марія, // отверзающи
его всем вход.

**Пронареченная всех Царьца,/ Божие обителище,/ от
неплодных днесь утробы пройде Анны славныя,/**
Присносущнаго Существа Божественное пребыва-
лище,/ Еюже безстудный ад попрася/ и всеродная Ева
в твердую жизнь вводится./ Той достойно возопийм://
блаженна Ты в женах, и Плод чрева Твоего благословен.

Слава, и ныне, глас 8. Сэргия Патриарха:

**В благознаменитый день праздника нашего/ востру-
бим духовною цевницею:/ Яже бо от семене Давидова,
днесь раждается Мати Живота,/ тьму разрешающи,/**
Адамово обновление, и Евино воззвание,/ и нетления
источник, тли пременение,/ Еяже ради мы обож-
хомся/ и от смерти избавлени быхом,/ и возопийм Той
с Гавриилом, вернии:/ радуйся, Благодатная, Господь с
Тобюю, // Тебе ради даруя нам велию милость.

На стиховне стихиры, глас 4, самогласны.

Германа Патриарха:

**Всемирная радость от праведных возсия нам,/ от
Иоакима и Анны, Всепетая Дева,/ Яже премногия
ради чистоты/ храм Божий одушевленный бывает/
и едина воистину Богородица познавается./ Той мо-
литвами, Христэ Боже,/ мир миру низпосли// и душам
нашим велию милость.**

Стих: Слы́ши, Дщи, и виждь, // и приклонí у́хо Твое.
 Ангеловым прорече́нием / плод пречíст от Иоакíма
 и А́нны, пра́ведников, / днесь произы́де Дéва, / нéбо и
 престóл Бóжий, / и приятелище Чистоты́, / рáдость про-
 возвеща́ющи все́му мíру, / животá нашего́ Ходáтаица, /
 кля́твы отгя́тие, благословéния подáние. / Тем в рожде-
 ствé Твоем, Дéво Богозвáнная, / мíру мир испросí //
 и душáм нашим вéлию мíлость.

Стих: Лицú Твоему́ помóлятся // богáтии лúдстии.

Неплóды безчáдная А́нна / днесь рука́ми да воспле́-
 щет свéтло, / да светлонóсят земна́я, цáрие да игра́ют, /
 святíтелие во благословéниих да веселя́тся, / да прáзд-
 нует весь мир: / се бо Цари́ца и непорóчная Невéста
 Отча / от кóрене Иессéева прозябé. / Ктому́ жены́ в пе-
 чáлех не родя́т чад: / Рáдость бо процветé, и Живóт всем
 челове́ком в мíре жítельствует. / И ктому́ дáры Иоакí-
 мовы не возвра́щаются, / рыдáние бо А́нны в рáдость
 преложíся: / сра́дуйтесь мне, глаго́лющи, весь избрáн-
 ный Изра́иль, / се бо даде́ ми Господь одушевлéнную
 палáту / Божéственныя сла́вы Егó, / во óбщее весéлие
 и рáдость // и спасéние душ на́ших.

Сла́ва, и ны́не, глас 8. Сэ́ргия Патриáрха:

Приидíte, вси вёрнии, к Дéве теце́м: / се бо ражда́-
 ется Я́же прэ́жде чрэ́ва предвídенная Бóга нашего́
 Мáти, / дéвства сосúд, Аарóнов прозяб́ший жезл от
 кóрене Иессéева, / прорóческое проповéдание / и пра́-
 ведных Иоакíма и А́нны прозябéние. / Раждáется úбо,
 и мир с Нéю обновля́ется. / Раждáется, и Цéрковь во
 своé благолéпие украша́ется. / Храм святýй, Божества́
 приятелище, / дéвственный сосúд, цáрский чертóг, /
 в нёмже пресла́вное неизрече́ннаго соединéния со-
 шедшихся во Христé естéств / совершéнное соде́яся
 та́инство. / Емúже покланя́ющеся, // воспева́ем Дéвы
 Всенепорóчныя рождество́.

На благословéнии хлéбов тропáрь, глас 4:

Рождество́ Твое́, Богороди́це Дéво, / рáдость возвести́
 всей вселéнней: / из Тебé бо возсия́ Сóлнце Пра́вды,
 Христóс Бог наш, / и, разрушив кля́тву, даде́ благо-
 словéние, // и, упразднив смерть, даровá нам живóт
 вéчный.

Трижды.

НА УТРЕНИ

На Бог Господь: тропарь праздника, тріжды.

По 1-м стихословии седален, глас 4.

Подобен: Удивися Иосиф:

Возопій, Давіде, что клятса тебѣ Бог?/ Яже мне клятса, речѣ, и исполни ужѣ:/ от плода чрева моего давый Девіцу,/ из Неяже Содѣтель Христос, Новый Адам родіся, Царь на престолѣ моем;/ и царствует днесь, имѣяй Царство недвижимо./ Неплоды раждает Богородицу и Питательницу Жізни нашея.

Слава, и ныне, тойже.

И чтение праздника.

По 2-м стихословии седален, глас 4.

Подобен: Удивися Иосиф:

От корене Иессеева и от чресл Давидовых/ Богоотроковица Мариам раждается днесь нам;/ радостію бо радуются всяческая и обновляются./ Срадуйтесь купно, Небо и земля,/ восхвалите Ю, отечества язык!/ Иоаким веселится, и Анна торжествует, зовущи:/ неплоды раждает Богородицу и Питательницу Жізни нашея.

Слава, и ныне, тойже.

По полиелѣи седален, глас 8.

Подобен: Повеленное тайно:

Да радуется Небо, и земля да веселится:/ Божие бо небо на земли родіся, Богоневѣстная Сія, от обетования./ Неплоды Младенца доит Марию, и радуется о рождествѣ Иоаким:/ жезл, глаголя, родіся мне,/ из негоже Цвет Христос прозябѣ,/ из корене Давидова./ Воистину чудо преславно!

Слава, и ныне, глас тойже:

Обновися, Адаме, радуйся, Ево, веселися, Давіде, благодущствуй, Анно,/ ибо Мати Зиждителя твоего раждается преславно;/ ликует, обновльшися, вся земля/ и радуется, одѣяна во одежду;/ всяк язык, ликуя, да вопиет Марии:/ блажен дом Давидов, яко питает Питательницу Жізни нашея.

И чем слово Григория иеромонаха.

Степѣнна, 1-й антифѣн 4-го гласа. Прокѣмен, глас 4: Помяну́ имя Твое́ // во всякомъ родѣ и родѣ. **Стих:** Отрѣгну́ сердце мое́ слово́ благо, глаголю́ азъ дела́ моя Царѣви. **Всякое дыханіе** // да хвалитъ Господа. **Стих:** Хвалите́ Бога во святыхъ Его́: **Евангелие от Лукі, зачало 4:** Во дни оны, воставши, Мариамъ:

По 50-м псалмѣ, Слава: Молитвами Богородицы, Милостиве, очисти множества согрешений наших. **И ныне, тойже. И посѣм, Помилуй мя, Бже:**

И стихира праздника, глас 6:

Сей день Господень, / радуйтесь, людіе: / се бо Свѣта чертог / и книга Слова Животнаго / из утробы произыде, / и Яже к востокомъ дверь, рождшися, / ожидаетъ входа Святителя великаго, / едина и Единаго вводящи Христа во вселенную, // во спасение душ наших.

Канона два, ирмосы обоих канонов по дважды, тропари же их на 12.

Канон первый, творение кир Иоанна. Глас 2.

Песнь 1

Ирмос: Грядите, людіе, / поимъ песнь Христу́ Богу, / раздѣльшему море и наставльшему люді, / яже изведе́ из работы египетския, // яко прославися.

Грядите, вернии, Духомъ Божественнымъ радующеся, / Юже от неплодове днесь пришедшую человеков на спасение / Приснодеву Отроковицу песньми почтимъ.

Радуйся, Чистая, Мати и Рабо́ Христа́ Бога, / Яже первому Ходатаица блаженству, / человеческий род, Ты вси достойно песньми славимъ.

Жизни раждается днесь мост, / имже человецы, воззвание падения, еже от ада, обрѣтшии, / Христа́ Жизнодавца песньми прославляютъ.

Ин канон, кир Андрѣя, глас 8.

Песнь 1

Ирмос: Сокрушившему брани мѣшцею Своею / и проведшему Израїля сквозѣ Чермное море / поимъ Ему́, яко Избавителю нашему́ Богу, // яко прославися.

Да ликовствуетъ вся тварь, да веселитесь же и Давидъ, / яко от колѣна и от семени его́ произыде жезл, / Цвет носящи, Господа, Творца́ всяческихъ.

Святая Святых, во святем святѣлици Младенец возлагается/ воспитатися от руки Ангеловы./ Все убо верно спразднуим в рождестве Ея.

Неплоды нераждающая Анна, но не безчадна Богу:/ се бо пронаречеса от родов Чистая Дева Мати./ Темже естества израсти Зиждителя в рабии образе.

Тя, незлобивую Агницу,/ Агнца Христа Младенца от чрева Твоего приведшую в наше существо,/ все от Анны рожденную Тя песньми почитаем.

Триччен: Три Безначальна славлю,/ Три Свята пою,/ Три Соприсносущна в Существо Едино проповедую:/ Един бо во Отце, и Сыне, и Дусе славословится Бог.

Богородичен: Кто виде Отроча, Егоже не всея Отец, млеко питаемое?/ Или где видена бысть Дева Мати?/ Истинно паче ума обоя, Богородительнице Чистая.

Катавасия: Крест начертав, Моисей/ впрямю жезлом Черное пресече,/ Израилю пешеходящу;/ тоже обратнo фараоновым колесницам,/ ударив, совокупив,/ вопреки написав непобедимое оружие.// Тем Христу пойм, Богу нашему, яко прославися.

Песнь 3

Ирмос: Утверди нас в Тебе, Господи,/ Древом умерщвлей грех,/ и страх Твой всади// в сердца нас, поющих Тя.

Непорочно Богу пожившии,/ всех родите Спасение,/ богомудрии родители/ Зиждителя Родшия и Бога нашего.

Всем жизнь источай Господь/ от неплодове произведе Деву,/ в Нюже вселитися изволи,/ и по Рождестве сохранив нетленну.

Аннин плод, Марию, днесь,/ Грозд рождшую живоносный,/ яко Богородицу воспойм,/ Предстательницу же всех и Помощницу.

Ин

Ирмос: Утвердися сердце мое во Господе,/ вознесеса рог мой в Боже моем,/ разширишася на враги моя уста моя,// возвеселихся о спасении Твоем.

Воспитавшия во Свята Святых,/ Дево Пречистая Богородице,/ вышши явилася еси твари,/ Зиждителя плотию порождши.

Благословенно чрево твоё, целомудренная **Анно**,/
плод бо израстила еси дѣвства,/
Юже безсеменно
Питателя твѣри рождшую/
и Избавителя **Иисуса**.

Тя блажит, **Приснодево**, вся тварь,/
от **Анны** днесь
рождшуюся,/
от корене **Иессея** жезл,/
пречист цвет,
Христа, израстившую.

Тя вѣшшую всея твѣри, **Богородице**,/
показуя,
Чистая, **Сын Твой**,/
эже от **Анны** величит **Твоё** рождество/
и всех веселит днесь.

Троичен: Тебѣ поклоняемся, **Отче**, **Безначальне**
Существом,/
поём **Безлѣтнаго Сына Твоего**/
и чтем **Соприсноущнаго Духа Твоего**,/
яко **Единаго Трѣе** естеством **Бога**.

Богородичен: **Светодавца** и **Начальника** жизни чело-
вѣческаго рождающая, **Чистая Богородице**,/
явилася еси
сокровище жизни нашей/
и дверь неприступнаго **Света**.

Катавасия: **Жезл** во образ тайны приѣмлется,/
прозябением бо предразсуждает священника;/
неплодѣющей же прежде **Цѣркви**,/
ныне процветѣ **Древо Креста**,//
в державу и утверждение.

Седален, глас 4.

Подобен: Удивися **Иосиф**:

Дѣва Марія и **Богородица** истинно,/
яко **облак** света, днесь возсия нам/
и от праведных предгрядет
в славу нашу./
Не ктому **Адам** осуждается,/
и **Ева** от уз свободится,/
и сего ради зовѣм, вопиюще со дерзновением
единой **Чистой**:/
радость возвещает рождество
Твоё всей вселенней.

Слава, и ныне, тойже.

Песнь 4

Ирмос: **Услышах, Господи**,/
слух **Твоего** смотрения/
и прославих **Тя**,// **Едине** **Человеколюбче**.

Воспеваем Тя, Господи,/
верным спасительное
пристанище подавшего всем,/
Тебѣ **Рождшую**.

Тя, Богоневѣсто,/
похвалу всем **Христос** яви и державу/
поющим верно **Твоё** таинство.

Неискусобрачная Владычице,/
Твоими молитвами
избавляеми прегрешений,/
благоразумно вси **Тя**
ублажаем.

Ин

Ирмос: Пророк Аввакум умными очима / провиде, Господи, пришествие Твое, / тем и вопиаше: от юга придет Бог. / Слава силе Твоей, // слава низхождению Твоему.

Патриарх Иаков, провидев, Спасе, величия ясно строения Твоего, / вопиаше Духом, ко Иуде глаголя тайно: / от леторасли* возшел еси, Сыне мой, / возвещая Тя от Девы Бога.

Ныне жезл Ааронов, от корене Давидова прозябший, / ныне Дева Чистая происходит, / и сликовствует Небо и земля, и вся отечествия языков, / и Анна и Иоаким таинственно.

Ныне да веселится Небо, да радуется же земля, и да ликует Иоаким и Давид: / ов убо яко родитель Твой, истинно рождшия Бога, / ов же яко праотец Твой, / проповедавая Твоя величества, Чистая.

Срадуется Тебе днесь, богомудренная Анна, вселенная: / Избавителя бо тоя Матерь процвела еси, / Юже от корене прозябшую Давидова, / жезл силы, намносящую Цвет, Христа.

Троицен: Славлю Безначальна Бога, Отца и Сына и Святаго Духа, / Единосущную Троицу Несозданную, / Ейже предстоят Серафими благоговейно, зовуще: / Свят, Свят, Свят еси, Боже.

Богородичен: Пребезначальное Начало начало приемлет из Тебе, Богородительнице, плотским временем / и пребывает собезначально и воплощся Слово Отчее и Духу соприсносущное, / сохраняя Божественное достоинство.

Катавасия: Услышах, Господи, / смотрения Твоего таинство, / разумех дела Твоя // и прославих Твое Божество.

Песнь 5

Ирмос: Сеннописанный мрак гаданий разорив / и верных прибытием истины, / Богоотроковицею, озарив сердца, // и нас светом Твоим, Христе, настави.

Воспойм, людие, всех вину / сущаго по нам быти виновнаго: / Еяже образу радовахуся сподобляеми пророцы, / явленное спасение от Той плодяще.

* От леторасли — от молодой ветви.

От сѹха прозябѣние жезла иереева / Израїлю показá проразсуждѣние, / и ныне свѣтлость прозябших преслáвно свѣтит, / от неплодове всеслáвное рождѣние.

Ин

Ирмос: *Господи Бóже наш / мир даждь нам, / Господи Бóже наш, стяжи ны, / Господи, разве Тебѣ ино́го не ве́мы, // И́мя Твое́ имену́ем.*

Пречисто́е Твое́ рождество, Дѣва Непорóчная, несказáнное, / и зачатіе неизглаго́ланно, и рождѣние Твое́, / Невѣсто неневѣстная, / Бог бо бе, весь в мя облекійся.

Днесь да веселя́тся а́нгельстии чѣни, / пѣсньми да ликуют сѹщии из Ада́ма: / роди́ся бо жезл, Цвет возра́стивший, Христа́, / Еди́наго Избáвителя на́шего.

Днесь Е́ва разрешáется осуждѣнія, / разрешáется же и непло́дство, / и Ада́м дрѣвнія кля́твы о рождествѣ Твое́м, / Тобо́ю бо от тли избáвихомся.

Сла́ва Тебѣ, Просла́вльшему непло́дную днесь: / роди́ бо жезл присноцвету́щий от обеща́нія, / от него́же прозябе́ Христо́с, / Цвет жи́зни на́шей.

Тро́ичен: *Сла́ва Тебѣ, Отче Святы́й, Бóже Нерождѣ́нне; / сла́ва Тебѣ, Сы́не Безлѣ́тне, Единоро́дне; / сла́ва Тебѣ, Ду́ше Божѣственны́й и Сопрестольны́й, / от Отца́ происходи́й и в Сы́не пребыва́йй.*

Богороди́чен: *Бысть* чре́во Твое́ Со́лнца носило, / пребы́сть чистота́ Твоя́, я́коже пре́жде, невредима́, Дѣво, / Христо́с бо Со́лнце, / я́ко от черто́га жени́х, я́вися из Тебѣ.

Катава́сия: *О* треблаже́нное Дре́во, / на нёмже распя́ся Христо́с, Царь и Господь, / Имже паде́ дре́вом прельсти́вый, / тобо́ю прельсти́вся, / Бо́гу пригвозди́вшуся Пло́тию, // пода́ющему мир душáм на́шим.

Песнь 6

Ирмос: *Ко* Господу от кита́ Ио́на возопи́: / Ты мя возведи́ из глубины́ а́да, молю́ся, / да я́ко Избáвителью, во гла́се хвалѣ́нія, // истины́ же ду́хом пожру́ Тебѣ.

Ко Господу в скóрби непло́дства возопи́ша / Богома́тере богому́дри родите́ли / и Сию́ в роды́ родовъ роди́ша, / на óбщее спасѣ́ние и похвалу́.

При́яша Небѣсны́й дар от Бо́га досто́ин / Богома́тере богому́дри родите́ли, / самѣх Херувимов превѣ́шшее носило, / Сло́ва и Зижди́теля Родите́льницу.

Ин

Ирмос: *Яко воды морскія, Человеколюбче,/ волна́ми житейскими обуреваюся,/ темже, яко Иона, тако вопию Ти:/ возведи от тли живот мой, // Благоутробне Господи.*

Святую Святых сущу,/ целомудреннии родители Твой, Чистая,/ возложиша Тя в храме Господни воспитатися честно/ и уготоватися в Матерь Ему.

Неплоды и матери, ликуйте,/ дерзайте и играйте, безчадныя:/ безчадна бо неплоды Богородицу прозябает,/ Яже избавит от болезней Еву и клятвы Адама.

Слышу Давида, поюща Тебе:/ приведутся девы во след Тебе,/ приведутся в храм Царев./ И с ним Ты и аз, Дщерь Цареву, воспеваю.

Поём святое Твое рождество,/ чтим и непорочное зачатие Твое,/ Невесто Богозванная и Дево;/ славят же с нами Ангелов чини и святых души.

Троичен: В Тебе Троическое таинство поётся и славится, Чистая:/ Отец бо благоволи,/ и Слово вселися в Тя,/ и Божественный Дух Тебе осени.

Богородичен: Златая кадильница была еси,/ Огнь бо во утробе Твоей вселися, Слово от Духа Свята,/ и человеческим зраком в Тебе видеса,/ Богородительнице Чистая.

Катавасия: Воднаго зверя во утробе/ длани Иона крестовидно распростер,/ спасительную Страсть проображаше яве./ Тем, тридневен изшед,/ премирное Воскресение прописаше/ Плотию пригвожденнаго Христа Бога// и тридневным Воскресением мир просвещшаго.

Кондак, глас 4:

Иоаким и Анна поношения безчадства/ и Адам и Ева от тли смертныя свободистася, Пречистая,/ во святем рождестве Твоем./ То празднуют и людие Твой,/ вины прегрешений избавльшеся,/ внемда звати Ти:// неплоды раждает Богородицу и Питательницу Жизни нашея.

Икос:

Молитва купно и воздыхание неплодства и безчадства Иоакима же и Анны благоприятное/ и во уши Господни вниде, и прозябе плод живоносен миру./ Ов

бо молитву на горé творяше, ова же в садé поношéние ношáше,/ но с радóстию неплоды раждáет Богорóдицу и Питáтельница Жíзни нáшей.

Песнь 7

Ирмос: *Купинá в горé огненеопáльная и росонóсная пещь халдéйская/ я́ве предписа́ Тя, Богоневéсто,/ Божéственный бо невещéственный в вещéственном чрэве Огнь неопáльно прияла еси́./ Тэмже из Тебé Рóждшемуся поём:// благословén еси́, Бóже отéц нáших.*

Твое́ в вещéственных явлéниях/ законополо́жник возбраня́ся разумéти/ и вели́кое, Пречы́стая, та́инство,/ не му́дрствовати земнорéвностная обра́зно наказу́емь иногда́./ Тэмже, удивлься чудесí, глаго́лаше:/ благо-словén Бог отéц нáших.

Гóру и дверь Небéсную и мы́сленную Тя лéстницу/ боголéпно лик божéственный пронаречé,/ от Тебé бо Ка́мень отсечéся не рука́ми му́жескими,/ и дверь, Ёю́же прóйде Господь, И́же чудес Бог отéц нáших.

Ин

Ирмос: *Халдéйская пещь, огнём распала́емая,/ орошáшеся Духом,/ Бóжиим предсто́янием,/ óтроцы по́яху:// благословén еси́, Бóже отéц нáших.*

Пра́зднуем, Чы́стая,/ и véрно покланя́емся свято́му Твоему́ Рождеству́,/ пою́ще Сы́на Твоего́,/ Ёмже изба́вихомся дрéвняго Ада́мова ны́не осуждéния.

Ны́не Анна веселит́ся и вопи́ет, хва́лящися:/ неплоды сýщи, родих Бóжию Ма́терь,/ Ея́же ра́ди осуждéние Ёвино разрешис́я/ и я́же в печáлех болéзнь.

Ада́м свободис́я, и Ёва лику́ет,/ и вопи́ют духом к Тебé, Богорóдице:/ Тобóю изба́вихомся перворóдныя кля́твы,/ я́вльшуся Христу́.

О чрэво, вместив́шее Бóжие селéние! О утрóбо, носив́шая Небéс шир́шую, престóл святы́й,/ мы́сленный кивóт свящéния!

Трóичен: *Отца́ просла́вим, Сы́на и Духа/ во Едýнстве Божества́,/ Трóицу Пресвяту́ю, Нераздéльную, Несоздáнную,/ и Соприсносу́щую, и Единосу́щую.*

Богорóдичен: *Ты Бóга едýна родила́ еси́, Дéво, пресла́вно,/ Ты естество́ обновила́ еси́ Рождествóм Твоим, Мари́е,/ Ты Ёву разрешила́ еси́ перворóдныя кля́твы,/ Богорóдительнице Чы́стая.*

Катавасия: *Безумное веление мучителя злочестиваго/ люди поколеба́, / дышущее прещение и злохуление богомерзкое;/ обаче три отроки не утраши́ ярость зверская, / ни огонь снеда́яй, / но противодышущу росоносному Духу, / со огнём суще, пояху:// Препетый отец и нас Бóже, благословен еси́.*

Песнь 8

Ирмос: *В пещи́ отроchestей прообразил еси́ иногда́ Твою́ Матерь, Гóсподи, / образ же Сия́ из огня́ изымаше неопально входя́щая, / Ю́же поём, являющуюся Тобóю концём днесь, // и превозносим во вся ве́ки.*

Я́же к Бóгу нашего примирения́ предопределённая скíния / еже бы́ти ны́не начина́ет, / иму́щи родити́ Слóва, нам дебелством Плóти являшася, / Егóже поём, из не сущих во еже бы́ти Тем приёмшии, / и превозносим во вся ве́ки.

Неплóдства преложение́ мирское́ благих разреши́ неплóдство / и ясно́ чúдо Христа́ показá, к земным пришédша, / Егóже поём, из не сущих во еже бы́ти Тем приёмшии, / и превозносим во вся ве́ки.

Ин

Ирмос: *Покрыва́яй вода́ми превы́спрення Своя́, / полага́яй мóрю предёл песок и содержа́й вся, / Ты поёт со́лнце, Ты сла́вит луна́, / Тебé прино́сит песнь вся тварь, // я́ко Содетелю́ всех во ве́ки.*

Сотворивый пресла́вная неплóдней утробе, / отвёрзый́ А́нны неражда́ющая ложесна́ и плод ей дав, / Ты, Бóже Святы́й, Ты, Сы́не Дéвы, / Ты от Сея́ Плоть прия́л еси́, / присноцвету́щая Дéвы и Богороди́цы.

Затворя́яй бэ́дну и отверза́яй ю, / вознося́й во́ду во о́блацех и да́яй дождь, / Ты, да́вый, Гóсподи, от неплóднаго ко́рене / прозя́бнути А́нны святы́я пречы́ст плод / и родити́ Богороди́цу.

Делателю́ мы́слей наших / и Насадителю́ душ наших, / Ты, неплóдную зéмлю благоплóдну показáвый, / Ты дрéвле сухую́ родови́ту, благокласну, бразду́ плодонóсну соделал еси́ А́нну святу́ю, / пречы́ст плод израсти́ти, Богороди́цу.

Приидите, вси́ узрим, / я́ко от черто́га ма́ла, Бóжий град, ны́не ражда́емый, / и́же от двéри утробны́я исхóд

имущую,/ вход же не вѣдущу общенія:/ Един Бог
Зиждитель Сѣю пройде стезею странною.

Трѳичен: О Трѳице Пресущная, Единице Собезначальная!/ Тя поет и трепещет множество Ангел,/ Небо и земля и бездны ужасаются,/ человецы благословят, огонь работает,/ вся послушают Тебѣ, Трѳице Святая, со страхом, яже в твари.

Богородичен: О новѣйшаго слышанія: Бог Сын Жены!/ О безсеменнаго Рождества! Безмужная Мати и рожденное Бог!/ О ужаснаго виденія! О зачатія страннаго Девы! О несказаннаго Рождества!/ Истинно паче ума вся и виденія.

Катавасія: *Благословите, отроцы,/ Трѳицы равночисленнии,/ Содетеля Отца Бога,/ пойте снишедшее Слово,/ и огонь в росу претворшее,/ и превозносите всем жизнь подавающаго// Духа Всесвятаго во веки.*

На 9-й пѣсни Честнейшую: не поем, прежде же ирмоса и тропарей, припев сей поем:

Величай, душе моя,/ преславное рождество Божия Матере.

Песнь 9

Ирмос: *Яже прежде Солнца Светильника Бога возсиявшаго,/ плотски к нам пришедшаго,/ из боку Девичу неизреченно воплотившая,/ Благословенная Всечистая,// Тя, Богородице, величаем.*

Иже непокоривым людем из камене источив воду,/ благопокоривым же языком дарует от чресл неплодных плод на веселие нам,/ Тя, Богомати Пречистая,/ Юже достойно величаем.

Напраснаго древняго Отъятельницацу осужденія и пра-матере исправленіе,/ Юже рода к Богу вину присвоенія, к Зиждителю мост,/ Тя, Богородице, величаем.

Другій припев: Величай, душе моя,/ от неплодове рождшуюся Деву Марію.

Ин

Ирмос: *Чужде матерем девство,/ и странно девам деторождение;/ на Тебѣ, Богородице,/ обоя устроишася./ Тем Тя, вся племена земная,// непрестанно величаем.*

Достойное, Богомати,/ Твоея чистоты рождество
наследовала еси чрез обещание:/ иногда бо неплодней
богопрозябен плод вдалася еси./ Тем Тя, вся племена
земная, непрестанно величаем.

Исполнися вопиющего пророчество,/ глаголет бо: воз-
ставлю скинию падшую священнаго Давида,/ в Тебе,
Чистая, прообразившуюся,/ Еяже ради всех человеков
персть в Тело создася Божие.

Пеленам поклоняемся Твоим, Богородице,/ славим
Давшаго плод прежде неплодней/ и Отверзшаго ло-
жесна неразждающей преславно./ Творит бо вся, елика
хочет, Бог сый самовластен.

Яко дар Тебе, Богородице, песнопение, от Анны рожд-
шейся, верно дароносим:/ матери Матерь, девы же
Деву едину,/ славословяще, поклоняемся Тебе, поем
и славим.

Троицен: Чужде есть беззаконным славити Безна-
чальную Троицу,/ Отца, и Сына же, и Святаго Духа,/
несозданное Вседержавство,/ Еюже мир весь содер-
жится манием державы Ея.

Богородицен: Вместила еси во утробе Твоей, Дево
Мати, Единого от Троицы, Христа Царя,/ Егоже поет
вся тварь и трепещут вышнии чини:/ Того моли,
Всечистая, спасися душам нашим.

Катавасия с припевы праздника: Таин еси, Богоро-
дице, рай,/ невозделанно возрадивший Христа,/ Имже
крестное живоносное на земли насадися Древо./ Тем,
ныне возносиму, // поклоняющеся ему, Тя величаем.

И другой: Снедию древа роду прибывшая смерть/
Крестом упразднися днесь,/ ибо праматерняя всеродная
клятва разрушися/ прозябением Чистыя Богоматере, //
Юже вся Силы Небесныя величают.

Светилен:

От неплодныя днесь Анны цвет произыде, Богородица,/
вся благовония Божественнаго исполняющи концы
мира/ и радости всю наполняющи тварь,/ Юже по-
юще, достойно восхваляем,/ яко сущу земнородных
превышшую.

Дважды.

Слава, и ныне:

Адаме, обновися, и Ева, возвеличися,/ пророцы, со
апостолы ликуйте и праведными,/ общая бо радость

возсия́ Ангелов же и челове́ков/ от пра́ведных днесь
Иоакі́ма и А́нны, Богоро́дица Марія́.

На хвалі́тех стихі́ры на 4, глас 1.

Подобен: О, дивнаго чудесе́:

О, дивнаго чудесе́!/ Исто́чник Жы́зни/ от непло́дныя
ражда́ется,/ и благода́ть плодороді́ти све́тло начина́-
ется,/ веселі́ся, Иоакі́ме,/ Богоро́дицы быв роді́тель:/
несть ин, я́коже ты,/ земноро́дных роді́телей, богопри-
я́тне:/ боговместі́мая бо Отрокови́ца,/ Бо́жие селёние,
пресвята́я гора́// тобо́ю нам дарова́ся. *Дважды.*

О, дивнаго чудесе́!/ От непло́дове плод возсия́/ мановё-
ніем всех Содётеля и Вседержі́теля,/ до́блественно
мирско́е благі́х разреши́ непло́дство./ Ма́тери с ма́те-
рию Богоро́дичною ликуйте, зову́ще:/ Обра́дованная,
ра́дуйся, с Тобо́ю Госпо́дь,// пода́й мі́ру Тобо́ю ве́лию
ми́лость.

Столп целому́дрія одушевлён/ и све́тлое прия́телище,
блиста́ющееся благода́тию,/ А́нна благосла́вная я́вль-
шися,/ породі́ забра́ло войсти́ну де́вства,/ Божёственное
процветёние:/ Я́же всем де́вственным/ и де́вства жела́-
ющим дарова́ние,/ де́вства добро́ту я́ве пода́ющую,//
и да́рующую всем ве́рным ве́лию ми́лость.

Сла́ва, и ны́не, глас 6. Самогла́сен:

Сей день Госпо́день,/ ра́дуйтесь, лю́дие:/ се бо Све́та
черто́г/ и кни́га Сло́ва Живото́наго/ из утробы́ про-
изы́де,/ и Я́же к восто́ком дверь, ро́ждшися,/ ожида́ет
входа́ Святы́теля вели́каго,/ еди́на и Еди́наго вводя́щи
Христа́ во вселённую,// во спасёние душ на́ших.

Славосло́вие вели́кое.

**По Трисвято́м тропа́рь пра́здника еди́ножды, екте-
ний и отпу́ст.**

**Зна́менуются же бра́тия от иере́я святы́м елее́м, и
поём стихі́ру самогла́сну пра́здника, ю́же хо́щет
екклісиа́рх.**

НА ЛИТУРГИИ

**Блаже́нны от канона́ 2-го гласа́, песнь 3-я, на 4, и 8-го гласа́,
песнь 6-я, на 4. По входе́ тропа́рь пра́здника. Сла́ва, и ны́не,
конда́к. Прокі́мен, песнь Богоро́дицы, глас 3: Вели́чит душа́
Моя́ Го́спода: Стих: Я́ко призре́ на смире́ние Рабы́ Своея́: Апосто́л
к Филиппі́сим, зача́ло 240. Аллилу́ия, глас 8: Слы́ши, Дщи,**

и виждь: Стих: Лицѹ Твоемѹ помѡлятся: Евангеліе от Лукї, зачало 54. Вмѣсто Достѡйно: поѣм ирмос: Чѹжде мáтерем: (И до отдáния, с припѣвом прázдника). Причáстен: Чáшу спасенія приимѹ, и імя Госпѡдне призовѹ.

Бывáет же на трапѣзе утешеніе брáтїи, доволѣно же и духовно.

Подобáет вѣдати: Аще случїтся Рождество Пресвятїя Богородїцы в Недѣлю.

В суббѡту вѣчера на малей вечерни: на Гѡсподи, воззвáх: стихїры воскресны глáса, на 4. Слáва, и нѣне, прázдника. На стихѡвне стихїра воскресна едїна и прázдника стихѡвна великія вечерни, с припѣвы прázдника. Слáва, и нѣне, прázдника. Тропáрь воскресен. Слáва, и нѣне, прázдника. Ектенїя малая. И отпѹст.

На велицей вечерни: по обычнѡй кафїсме, на Гѡсподи, воззвáх: стихїры воскресны 3, и Анатѡліева едїна, и прázдника 6. Слáва, и нѣне, прázдника. Вход. Прокїмен дне и чтенїя три, прázдника. На литїи стихїры и Слáва, и нѣне, прázдника. На стихѡвне стихїры воскресны. Слáва, и нѣне, прázдника. На благословенїи хлѣбов тропáрь прázдника, трїжды. И чтенїе в Послáнїих илї прázдника.

На ўтрени: на Бог Госпѡдь: тропáрь воскресен двáжды. Слáва, и нѣне, прázдника. По обычных кафїсмах седáльны воскресны с Богородичны их. И чтенїе во Евангелїи толковѡм, Недѣля пред Воздвїженїем. Тáже полиелѣй, и тропарї: Ангельскїй собѡр: и ипакѡй глáса. И седáльны прázдника, ѡба по едїножды: Слáва, седáлен, иже по полиелѣи. И нѣне, другїй. И чтенїе прázдника. Степѣнна глáса. Прокїмен и Евангелїе прázдника. Тáже Воскресенїе Христѡво: Псалѡм 50. И целованїе Евангелїя по обычаю. Посѣм, Слáва, Молїтвами Богородїцы: И нѣне, тойже. Стихїра прázдника. Канѡн воскресен со ирмосѡм на 4, и Богородїцы на два, и прázдника ѡба канѡна на 8. Катавасїя: Крест начертáв: По 3-й пѣсни кондáк воскресен и їкос, и седáлен прázдника, двáжды. По 6-й пѣсни кондáк прázдника и їкос. И чтем прѡлог. На 9-й пѣсни припѣвы не поѣм, но поѣм Честнѣйшую: Светїлен воскресен. Слáва, и нѣне, прázдника. На хвалїтех стихїры воскресны 4, и прázдника 4, с припѣвы прázдника. Слáва, прázдника. И нѣне, Прєблагословенна есї: И славослѡвїе великое. Трїсвятѡе, и тропáрь воскресен тѡчию. Ектенїя, и отпѹст. Дáется же и елѣй от кандїла прázдника. Тáже, Слáва, и нѣне, стихїра Евангельская. И оглашенїе. И обычное исхождѣнїе: и час пѣрвый, в притвѡре.

На пѣрвом часѣ тропáрь воскресен, Слáва, прázдника. И нѣне, Богородичен часѡв. По Отче наш: кондáк воскресен, и отпѹст. Тáкожде и на прѡчих часѣх тропáрь воскресен. Слáва, прázдника. И нѣне, Богородичен часѡв. Кондáк прázдника и воскресен глагѡлем прєменяюще.

На Литургїи: блаженна воскресна глáса, на 6, и прázдника, пѣснь 3-я, на 4. По вхѡде тропáрь воскресен и прázдника. Слáва,

конда́к воскресе́н. **И ны́не, пра́здника.** Прокі́мен, апо́стол, аллилу́ия, и Ева́нгелие чтем пре́жде Неде́ли пред Воздвѣ́жением, та́же ряд: посѣ́м Богоро́дицы. А прокі́мен гла́са оставля́ется. **Прича́стен: Хвалі́те Го́спода с Небѣс: И пра́здника: Ча́шу спасе́ния прииму́:**

М

Аще случі́тся попра́зднство Рожде́ства Пресвяты́я Богоро́дицы в Неде́лю:

В суббо́ту на ма́лей вече́рни стихи́ры воскресе́ны и Богоро́дицы, по обы́чаю.

На вели́цей вече́рни: на Го́споди, **воззва́х: стихи́ры воскресе́ны три, и Анато́лиева едина, и пра́здника то́го дне на ряду́, 3, и Минѣи свята́го, 3. Сла́ва, пра́здника или́ свята́го. И ны́не, Богоро́дичен пе́рвый гла́са. Вход. Прокі́мен дне, и ектений. На литіи стихи́ры пра́здника, стихо́вна вече́рняя то́го дне. Сла́ва, и ны́не, пра́здника. На стихо́вне стихи́ры воскресе́ны. Сла́ва, свята́го; аще ли ні́, Сла́ва, и ны́не, пра́здника. На благослове́нии хле́бов тропа́рь: Богоро́дице, Де́во, ра́дуйся: два́жды. И пра́здника еди́ножды. И чтѣ́ние во апо́стольских Посла́ниих.**

На у́трени: тропа́рь воскресе́н два́жды. Сла́ва, свята́го; аще ли ні́, Сла́ва, и ны́не, пра́здника. По обо́их кафі́смах седа́льны воскресе́ны с Богоро́дичны их. И чтѣ́ние во Ева́нгелии толко́вом, Неде́ля пред Воздвѣ́жением. Та́же непоро́чны, и тропари́: **А́нгельский собо́р: и ипако́й гла́са, и чтѣ́ние во Ева́нгелии толко́вом, Неде́ля ряд. Степе́нна, и прокі́мен гла́са. Ева́нгелие воскресе́ное. Воскресе́ние Христо́во: И псалом 50-й, и про́чая воскресе́на. Канон воскресе́н со ирмосом на 4, и Богоро́дицы на 2, и пра́здника на 4, и свята́го на 4. Катава́сия: Крест начертáв: По 3-й пе́сни конда́к и йкос пра́здника, и свята́го, аще има́ть, и седа́лен. Сла́ва, и ны́не, пра́здника. По 6-й пе́сни конда́к воскресе́н и йкос. На 9-й пе́сни поём Честне́йшую: Светі́лен воскресе́н. Сла́ва, свята́го; аще ли ні́, Сла́ва, и ны́не, пра́здника. На хвалі́тех стихи́ры воскресе́ны 4, и пра́здника 4, стихо́вна то́го дне, со сла́вным, с припе́вы пра́здника. Сла́ва: стихи́ра ева́нгельская. И ны́не: Преблагослове́нна еси́: по славосло́вию тропа́рь воскресе́н то́чию. Ектений, и отпу́ст. И оглаше́ние, и исхожде́ние в притво́р, и час 1-й.**

На пе́рвом часе́ тропа́рь воскресе́н. Сла́ва, пра́здника. **И ны́не, Богоро́дичен часо́в. По Отче наш: конда́к пра́здника, и конече́ный отпу́ст.**

На 3-м часе́ тропа́рь воскресе́н. Сла́ва, свята́го; аще ли ні́, Сла́ва, пра́здника. По Трисвято́м конда́к пра́здника и воскресе́н глаго́лем пременя́юще.

На Литурги́и: блаже́нна гла́са, на 6, и пра́здника, от канона́ песнь рядова́я, на 4. По вхо́де тропа́рь воскресе́н, и пра́здника, и хра́ма свята́го или́ святы́я, и свята́го, аще е́сть. Та́же конда́к воскресе́н, и хра́ма свята́го или́ святы́я. Сла́ва, свята́го, аще е́сть; аще ли ні́: Сла́ва, хра́ма свята́го. **И ны́не, пра́здника.**

Прокімен, апóстол, аллилу́ия, Ева́нгелие прэ́жде Неде́ли пред Воздв́ижением, потóм ряд (под зачáло) и свята́го. Прича́стен: Хвалі́те Го́спода с Небéс: и свята́го, а́ще е́сть; а́ще ли нѣ, прáздника.



СУББО́ТА ПРЕД ВОЗДВ́ИЖЕНИЕМ:

ЗРИ

На Литурги́и: прокімен, глас 3: По́йте Бо́гу на́шему, по́йте, // по́йте Царе́ви на́шему, по́йте. Стих: **Вси язы́цы, воспле́щитє руками: Апóстол к Корінфяном, зачáло 126: Бра́тие, премудро́сть глаго́лем: Аллилу́ия, глас 5: Мило́сти Тво́я, Го́споди, во век, воспою́ в род и род. Ева́нгелие от Матфе́я, зачáло 39: Рече́ Го́сподь: и́же лю́бит отца́ или́ ма́терь: Апóстол же и Ева́нгелие суббо́ты рядо́вья, под зачáло. Та́же свята́го, а́ще има́ть. Прича́стен дне.**

Подоба́ет ве́дати:

А́ще случі́тся отда́ние Рожде́ства Богоро́дицы в суббо́ту пред Воздв́ижением, прокімен, аллилу́ия и прича́стен прáздника. Апóстол и Ева́нгелие прэ́жде суббо́ты пред Воздв́ижением, та́же прáздника. А прокімен суббо́ты пред Воздв́ижением оставля́ется.



НЕДЕ́ЛЯ ПРЕД ВОЗДВ́ИЖЕНИЕМ:

ЗРИ

На у́трени чтем в толковáнии Ева́нгелие Иоáнна, и дне ряд.

На Литурги́и: прокімен, глас 6: Спаси́, Го́споди, лю́ди Тво́я: Стих: **К Тебе́, Го́споди, воззову́: Апóстол к Галáтом, зачáло 215: Бра́тие, ви́дите, коли́цами кни́гами: Аллилу́ия, глас 1: Вознесо́х избра́ннаго: Ева́нгелие от Иоáнна, зачáло 9: Рече́ Го́сподь: никто́же взы́де на Не́бо: Та́же ряд. Прича́стен дне.**

Рождество Пресвятой Богородицы в годовом круге двенадцатых праздников является первым по времени и празднуется Церковью как день всемирной радости. В этот светлый день, на рубеже Ветхого и Нового Заветов, родилась Препоблагословенная Дева Мария, Которая была от века предназначена Божественным Промыслом послужить тайне воплощения Бога Слова — явиться Матерью Спасителя мира, Господа нашего Иисуса Христа.

Пресвятая Дева Мария родилась в небольшом Галилейском городе Назарете. Родителями Ее были праведные Иоаким и Анна; Иоаким происходил из рода пророка и царя Давида, Анна — из рода первосвященника

Аарона. Святые супруги оставались бездетными, так как святая Анна была неплодна. Глубоко страдая от своего бесчадия, они многие годы молились о том, чтобы Бог даровал им дитя. Достигнув старческих лет, они всё же не теряли надежды на милость Божию, твердо веря, что Богу все возможно, что Он и в старости может разрешить неплодие Анны, как некогда Он разрешил неплодие Сарры, супруги патриарха Авраама. Святые Иоаким и Анна дали обет: дитя, которое им пошлет Господь, посвятить Богу для служения в храме.

Бесчадие считалось в еврейском народе наказанием Божиим за грехи, поэтому Иоаким и Анна — люди

безукоризненно чистые, праведные и святые — терпели несправедливые поношения от своих соотечественников, укорявших их тем, что Бог за грехи лишил их потомства. В один из праздников старец Иоаким принес в Иерусалимский храм свою жертву в дар Богу, однако первосвященник Иссахар не принял ее, назвав Иоакима недостойным, вменяя ему в вину его бесчадие. Святой Иоаким в глубоком горе ушел в пустыню и там со слезами молился Господу о том, чтобы ему было даровано дитя. Святая Анна, узнав о происшедшем в Иерусалимском храме, горько плакала, но не роптала на Господа, а молилась, призывая на своего мужа и на себя милосердие Божие.

Господь, всегда слышавший их молитвы, исполнил их, однако не сразу, а тогда, когда святые супруги, достигнув преклонного возраста, добродетельной жизнью, постоянством

в молитве и твердой надеждой на Бога приготовили себя к высокому званию быть родителями Пресвятой Девы Марии, праотцами по плоти Мессии — Господа Иисуса Христа.

Посланный к Иоакиму и Анне Богом Архангел Гавриил принес им радостную весть, что молитвы их услышаны и у них родится Преподобная Дочь Мария, через Которую будет даровано спасение всему миру. Обрадованные супруги встретились в Иерусалимском храме, возблагодарили Господа и вернулись домой. Святая Анна зачала и по исполнении срока родила Пресвятую Деву Марию, Которая Своей чистотой и добродетелью превзошла не только всех людей, но и Ангелов, явившись живым храмом Божиим и, как воспевают Церковь в праздничных песнопениях, Небесной дверью, вводящей Христа во вселенную, во спасение душ наших (стихира на Господи, воззвах: глас 6).

